

Awor ta definitivo cu otro ola di covid a dal Aruba Na Hospital tin rijnan largo di auto pasando test di covid

Por spera e siman aki lo surpasa 1000 caso

E siman aki a habri cu rijnan largo di auto na hospital pa test di covid. Ta mustando cu e casonan a keda subi, y cu e siman aki lo por pasa di 1000 caso. Esey kemen cu pa dia tin 200 caso nobo.

Ta indicacion cu covid ta pasando duro atrobe, y esnan cu a haye, ta bolbe haye. E sintomanan ta varia di leve pa pisa. Te cu awor e no ta un precion pa hospital, pues tur cos ta sigui normal.



Otmar lo keha Marisol pa haci denuncia falso; corte ta dicidi Diabierna CASO FLAMINGO:



A habri porta pa VUT flexibel pa reduci gasto di personal di gobierno



Avp a cuminza mes un cantaleta mentoriso di BBO, awor pa BTW

Kico Mike kier? Welga di Hamber part 2... ?



**Cassatie a ratifica
sentencia di 30
año pa ex minister
Jamaloodin pa laga
mata Wiels**

**Empresa de software
Smartmatic a demanda
Venezuela pa fraude
electoral y a exige 1500
milon dollar**

Minister Dangui Oduber

Wingo ta aumenta frecuencia di buelonan pa Aruba

Den cuadro di diversificacion Minister di Turismo y Salud Publico sr. Dangui Oduber ta comprati cu e aeroliña Wingo ta aumenta nan vuelonan pa Aruba. Recientemente Wingo a dicidi cu lo bay aumenta su buelonan entre e luna di juni y augustus pa 3 buelo semanal for di Bogota, esaki ta un aumento den e capacidad di asiento di 44 por ciento.

Wingo a aumenta buelonan den diferente rutan existente, internacional y nacional mes, hopi di e buelonan aki ta conecta cu e buelo di Bogota pa Aruba. Esaki ta bay haci cu lo bay tin un aumento den e "airlift" di Latino America pa Aruba. Ya caba ta premira cu lo tin un cresemento for di e mercado aki, segun e mandatario.

Minister Dangui Oduber a duna di conoce cu diversificacion di rutan den latino America ta cuadra cu e maneho di Gobierno. Minister Oduber ta



hopi satisfecho cu e trabou cu e airlift committee ta haciendo. Ban sigui avansa hunto como

pais pa como pais nos yega bek na 100 por ciento di recuperacion di nos turismo compara cu año

2019.

Photo Credit: 297 Spotters

Avp a cuminza mes un cantaleta mentoriso di BBO, awor pa BTW

Kico Mike kier? Welga di Hamber part 2... ?

Un bes mas, partido AVP ta protestando contra di BTW, y no lo kier pa e sistema aki drenta na vigor.

Ta mescos a pasa na 2008/2009, unda nan a demonisa BBO, cu yen di mentira, gritando cu nan lo elimine, pa djey bahe pa 3 luna y djey bolbe subi'e.

Pues, atrobe Partido AVP no ta kies pa drecha loke nan a dañá y tampoco nan kier "page cu orguyo", manera cu nan lider a declara den Parlamento.

E sistema di BTW ta necesario pa

asina Aruba por para bek riba pia. Sinembargo ya caba por tende e gritonan di AVP, cu nan no kier BTW.

Nan ta contra di tur decision cu ta pa drecha Aruba. Nan no kier drecha AZV, na no kier cobra bek e comerciantenan cu a haya placa dimas den loonsubsidie, como tampoco nan no kier BTW. Pues ta nada nan kier.

Kico lo ta futuro di Aruba, cu e sinterklaas Mike? Kico Mike kier? Welga di Hamber #2?



Otmar lo keha Marisol pa haci denuncia falso; corte ta dicidi Diabierna

CASO FLAMINGO:

Diamars atardi corte a atende e peticion di OM pa bolbe detene Otmar Oduber. Na salida di Corte, ex minister Otmar Oduber a splica cu atrobe OM no a trece ningun prueba riba caso Flamingo.

Marisol tambe a entrega keho contra Otmar:

Na Juli 2020, ex minister Marisol Lopes Tromp a entrega keho contra Otmar, riba caso SPIRITO.. Aki tambe Otmar a splica cu no ta existi ambtenaar SPIRITO. El'a bisa cu e ta considerando di entrega un keho contra Marisol pa valse aangifte.

Ministerio Publico a pidi

Corte pa detene Otmar atrobe, pasobra nan tin entre 5 cu 10 hende mas pa interoga.

Finalmente, Otmar y su abogado ta mira e desicion di Ministerio Publico incorrecto, pasobra nan a bay tras di un 'informe di polis' cu no ta cuadra, y a mescla faam di dos famia, unda nan ta haci referencia na hende cu cu den realidad ta otro hende. Tambe nan a laga nan mes bay tras di keho di Marisol ciegame.

Ta considera cu dor cu den Flamingo no a haya nada, a traha un rabo pe Flamingo cu



yama Spirito, pero den caso Spirito di Marisol tampoco tin nada.

Diabierna Corte ta dicidi

si ta encarcela Otmar atrobe.

Nota: Manera SOLO DI PUEBLO a informa caba, e Caso Flamingo

y Spirito a cay na awa, pasobra ta pretende cu tin un cadaver, pero ningun hende a presenta e cadaver.

Cassatie a ratifica sentencia di 30 aña pa ex minister Jamaloodin pa laga mata Wiels



Awe Cassatie a publica e sentencia den caso di asesinato di Helmin Wiels pa loke ta e caso di Jorge Jamalodin.

Nan a ratifica e castigo di 30 aña pa a plania y organisa y paga pa mata Wiels.

Dje forma aki tambe, tur posibilidad legal a termina pa Jamalodin y lo mester cumpli 30 aña di prison.

A habri porta pa VUT flexibel pa reduci gasto di personal di gobierno



Recientemente Promer Minister di Aruba, Sra. Wever Croes a anuncia cu Gobierno a habri porta pa VUT (Vervroegde uittreding).

Desde 15 di Juni ta habri e registro unda empleadonan publico por aplica pa VUT y esaki ta keda habri pa dos luna te

cu 15 di Augustus.

E VUT aki ta un flexibel, unda ta permiti mas funcionnan cu antes, pa pidi y tuma VUT.

Di kico VUT ta consisti?

E ta un areglo unda bo ta pidi bo retiro di Gobierno y mantene bo salario pa 3 aña.

Prome aña 90% di salario

Di dos aña 80% di salario
Di tres aña 70% di salario
Esaki ta un forma cu Gobierno ta usa pa asina reduci e gastonan di personal. E ta un opcion pa esnan cu ta cerca di baha cu pensioen of tambe pa esnan cu kier busca algo diferente, of start algo di nan mes.

COMERCIO A EXPRESA NAN PREOCUPACION DURANTE TOWN HALL MEETING DI KVK

Diahuebs, 2 di juni 2022 den un auditorio completamente yen Camara di Comercio y Industria (KvK) a tene un Town Hall Meeting riba e topico di Reforma Fiscal. KvK a organisa e encuentro aki pa por intercambia cu e comunidad empresarial riba e preocupacionnan y ideanan existente relaciona cu e plan di Gobierno pa introduci un sistema di BTW entrante 1 di januari 2023. KvK, huntu cu varios stakeholders, a asisti na e reunionnan y diferente sesion cu Gobierno y Departamento di Impuesto (DIMP) a organisa. E intencion di KvK ta pa contribui na mehora e sistema di impuesto cu ta anticua, fragmenta y complejo.

KvK ta na favor di un reforma fiscal integral cu wordo implementa a base di budget-neutral y cu lo resulta den un sistema moderno, simplifica y balansa. Ta imperativo pa inclui reduccion di e gastonan di Gobierno, particularmente e gastonan di Payroll y di producto y servicio. E proposicion cu Gobierno a presenta no ta un reforma fiscal integral, no ta reduci e complejidad di e sistema di impuesto, ni tampoco ta budget-neutral y hasta tin e riesgo cu Aruba lo bira excesivamente caro. Ademas, teniendo cuenta cu e tempo y capacidad limita, tin



duda si introduccion di e BTW entrante 1 di januari 2023 lo ta factibel.

Durante di e Town Hall meeting KvK a duna un introduccion cortico encunto e sistema di BTW proponi y a elabora riba e consecuencia directo cu e sistema nobo lo tin pa loko ta trata algun aspecto importante, entre otro: trabaonan administrativo adicional, inflacion, aumento di costo di haci negoshi, introduccion di sueldo minimo pa directornan, aumento di e tarifa di impuesto di importacion (invoerrecht) y cambio den impuesto di entrada

(inkomstenbelasting).

KvK a keda hopi satisfecho cu e acogida y e participacion na e Town Hall meeting. E participantenan a expresa nan preocupacionnan, a haci varios pregunta y tabatin diferente sugerencianan. A enfatisa cu comercio no tin espacio pa carga mas gasto, particularmente si no tin un compensacion balansa a cambio. Esaki ta un ratificacion cu e concepto di Reforma Fiscal tin hopi aspecto cu mester di mas clarificacion y cu comercio no ta di acuerdo cu algun punto.

KvK ta gradici e participantenan pa nan aporte y lo evalua e feedback y sugerencianan ricibi pa despues comunica esaki na Ministerraad y Departamento di Impuesto (DIMP). Pa mas informacion por bishita e pagina di Facebook y website KvK www.arubachamber.com (Event information: Townhall meeting June 2, 2022 | Kamer van Koophandel en Nijverheid Aruba | Aruba Chamber of Commerce and Industry). Tur empresario cu ainda ta desea di trece nan preocupacion dilanti y/o tin sugerencia por dirigi esaki na KvK via e-mail secretariat@arubachamber.com.

Biden a yama Juan Guaidó y a conversa durante 17 minuut

E presidente di Merca, Joe Biden, a mantene un contacto telefonico cu Juan Guaidó diaranson atardi, e lider opositor cu Merca ta reconoce como presidente encarga.

Segun fuentenan vincula na Gobierno interino, e yamada a dura aproximadamente 17 minuut y a trata e necesidad pa restablece e proceso di negosacion di e plataforma unitario, di cual Hulanda tambe ta aden, hunto cu e regimen di Nicolas Maduro, pa asina permiti eleccion parlamentario y presidencial liber y husto na Venezuela.



E number ganadornan di e gran sorteo di rifa di Rotary Club Aruba ta conoci



Diadomingo 5 di juni 2022 a tuma lugar e sorteo di e grandioso rifa di Rotary Club Aruba. E benta di rifa a bai hopi mas mihor cu Rotary Club Aruba a spera.

Den presencia di notario a saca e numbernan ganador, cual ta lo siguiente:

Premio 1: 2022 Kia Sonet - #09370

Premio 2: 2 Tickets Aruba-Amsterdam-Aruba cu KLM - #03011

Premio 3: 55" TCL TV di AMC Unicon - #03029

Premio 4: Apple iPhone 13, 128GB unlocked di Boolchand's - #02800

Premio 5: Afl. 1.500,- Gift Certificate di Kooyman - #06519

Premio 6: Afl. 1.500,- Gift Certificate di Boolchand's - #06450

Premio 7: Afl. 1.000,- Gift Certificate di Ling&Sons - #03109

Premio 8: Weekend stay 2 dia pa 2 persona na Divi Resorts Aruba - #01820

Premio 9: Spinning Proform bike di AMC Unicon - #07153



Premio 10: Afl. 500,- cash - #03170

Premio 11: Afl. 500,- cash - #06497

Premio 12: Afl. 500,- cash - #06755

Premio 13: Afl. 500,- cash - #03682

Premio 14: Afl. 500,- cash - #08774

Masha pabien na tur ganador cu den e siguiente dianan lo wordo aserca

door di un miembro di Rotary Club Aruba pa por entrega e premionan. Y hopi danki na tur esnan cu a aporta na nos rifa. Nos ta conta cu bo(so) contribucion atrobe otro aña.

Un danki na nos sponsors cu a haci e rifa aki posibel atrobe e aña aki, Topcar, KLM, AMC Unicon, Boolchand's, Kooyman y

Divi Resorts Aruba.

Tur fondo recauda lo bai bek na comunidad. Den e siman nan cu ta bin Rotary Club Aruba lo haci entrega di donacion na e fundacion nan den nos comunidad. Danki un biaha mas na tur esnan cu a contribui pa hasi esaki posibel.

SUPER SHOPPING

SEMI-ANNUAL SALE

~ All clothing for babies, children, men & women (above awg. 10,-)

~ All shoes & footwear for babies, children, men & women (above awg. 10,-)

~ All school bags

~ All curtains

~ All towels

~ All comforters

~ All bedsheets

~ All mats

~ Household items

~ Kitchen items

35%

~ Tur panja pa baby, mucha, hende homber, i muhe

(pariba di awg. 10,-)

~ Tur sapatu i slof pa baby, mucha, hende homber i muhe

(pariba di awg. 10,-)

25%

~ Tas di skol

~ Tur cortina

~ Tur serbete

~ Tur Comforter

~ Panja di cama

~ Tur tapijt

~ Artciulo di cas

~ Articulo di cushina



Exprodesk ta finalisa curso di “Empowered Women Exporters”

Minister Wever: “Nos mester maximalisa di oportunidadnan cu ta existi”



Diabierna ultimo, Minister Geoffrey Wever di Asuntonan Economico, Comunicacion y Desaroyo Sostenibel tabata presente na e clausura di e curso di “Empowered Women Exporters”. Un curso cual a ser organisa pa Unidad Exprodesk di Departamento di Asuntonan Economico cu e meta di coach empresarionan (enfoca riba grupo femenino) con nan por exporta nan producto y servicionan

pa exterior.

Esaki ta un bunita iniciativa cual a conta cu un grupo di participantenan di edad y background diverso, cual algun tin experiencia empresarial existente, ofreciendo ambos producto y servicionan. Cu e curso aki ta spera di por expande nan conocimiento y brinda e participantenan un empuhe pa stimula nan pa explora e mercado internacional. “Mas

nos exporta, mas fuerte nos economia ta bira”, Minister Wever a remarca.

Minister Geoffrey Wever ta manda un palabra

di felicitacion na tur participante cu a termina cu e curso, y ta desea nan tur clase di exito den nan caminda empresarial. Tambe kier a expresa su gradicimento na

e organisadornan - Exprodesk - y tambe e Export Coach Sra. Taiana Mora Ramis cu a haci tur esaki posibel pa nan tremendo trabou.

Prome Minister Evelyn Wever-Croes:

PROME MINISTER PRESENTE NA E CEREMONIA DI DESVELACION DI PLAZA SAN JUAN PABLO II

“Mi ta convenci cu ta e fe cu e pueblo tin ta loke ta yuda nos bay padilanti”



Diasabra ultimo na Misa Pro Catedral San Fransisco, a tuma luga e inauguracion di e Plaza San Juan Pablo II. Prome Minister Evelyn Wever-Croes tawata presente na e ceremonia bunita aki y a expresa cu ta un honor p’e pa ta presente y representa loke Gobierno por a duna como aporte pa e plaza wordo realisa. Apenas 2 siman pasa a tuma luga e desvelacion di e bunita busto di Papa Juan Pablo II cu a wordo traha pa nos artista local, señor Ciro Abath.

“Papa San Juan Pablo ta un inspiracion pa tur, tanto Catoliconan y no Catoliconan y ohala den e temporada dificil cu nos ta pasando aden, ainda saliendo di e pandemia, cu e inspiracion cu nos Papa, nos Santo San Juan Pablo, por inspira nos den e retonan cu tin nos dilanti”, Prome

Minister a expresa.

Prome Minister a accentua cu Aruba tin un forza inmenso, un resiliencia grandi. “E amor cu nos tin pa nos pais ta loke ta yudando nos. Pero si bo puntra ami, mi ta convenci, ta e fe cu pueblo tin ta loke ta yuda nos bay padilanti. Ohala cu e plaza aki cu ta carga su nomber, por inspira nos tur pa asina e fe por ta aun mas grandi, no solamente pa parokia di playa sino pa henter Aruba”.

Prome Minister a gradici pastooran presente, especialmente pastor di Oranjestad pa su dedicacion, su pasion den tur e trabou cu ta wordo haci pa engrandece e parokia y e fe catolico.

“Dios bendiciona boso pa sigui cu e trabou bunita y importante cu bosonan ta haci. Nos

mester realisa y mas ciudadano mester realisa cu realmente ta nos fe ta loke ta salba nos y nos fe ta locual lo yuda Aruba tambe pa bay padilanti”, tawata e palabranan cu Prome Minister Evelyn

Wever-Croes a expresa na final di su discurso na e ocasion.

Prome Minister ta gradici DOW y tur esnan cu a haci esaki posibel despues di a ricibi e

peticion pa nombra e plaza na nomber di Papa San Pablo pa e trabou diligente cu a wordo haci. “Mi ta hopi contento cu di parti di Gobeirno nos por a haci e aporte chikito aki”.

“Den un solo palabra ela describi’e como increibel”

Brigida Croes ta cumpli 50 aña di servicio, alegria y lealtad na HOH



“Mitin unaprecio enorme pa un persona manera abo cu pa 50 aña largo a hinca tur su esfuerço, curason y amor pa Hospital, nos coleganan pero mas importante e pashentnan,” asina Jacco Vroegop- director di HOH a habri su discurso. Un celebracion a tuma luga recientemente na unda den gran forma a invita tur colega na HOH pa pasa come bolo y asina recorda 50 aña di trabou di Brigida Croes cual tur persona na HOH sigur conoce. Durante e

celebracion aki, banda di Hunta di Directiva di HOH, management y coleganan tambe a yama bon bini na Minister di Salubridad, sr. Dangui Oduber cu a hiba algun palabra di gradicimento pa Brigida su empeño pa cuido en general na Aruba.

Brigida Croes a cuminsa su carera den cuido na Hospital San Pedro di Verona na aña 1972 como Verpleegassistent algemeen. Na aña 2002 ela bay p’e reto di



recepcionista y na aña 2004 ela cuminsa den cuido pastoral te cu dia di awe cu e ta bisa ayo na HOH. Durante su discurso manera semper e la conta diferente anecdota di su carera na HOH y loke a sobresali ta cu den un palabra Brigida a describi su 50 aña na Hospital como “increibel”.

“50 aña di trabou na Hospital ta algo cu no sa sosode y pues ta motibo di e celebracion bunita aki unda alabes ta dispidi di Brigida awo cu e ta baha cu pensioen. Normalmente celebracion di hubileo y pensioen ta tuma luga

riba e departamento concerni, pero 50 aña di dedicacion, amor y pasion pa Hospital y su pashentnan no por a laga pasa sin mas. Mi ta hopi orguyoso di Brigida, despues di a traha algun aña cune y por mira con stima e ta pa pashent y colega y sigur tur hende lo bay haya su falta,” sr. Vroegop a termina bisando.

Brigida ta un persona conoci pa comparti y ta hende di tur hende. Asina aki e ta comparti desayuno cu coleganan of ta trece bolo y parti’e pa asina tur hende haya un pida. Tambe e ta haak muts y handschoen pa

baby riba piso pa asina nan no haya frieu. Y semper ta decora e skina banda di su oficina pa dia di Himno y Bandera, Pasco, Valentine’s day y mucho mas. Un persona hopi stima pa coleganan y pashent, tambe tur Pastor y e comunidad di guia religioso.

Brigida a dedica casi ful su bida na HOH y su pashentnan. 50 aña di alegria, lealtad, amor, comprension y pasion a resalta y Hospital completo y pashentnan lo bay haya su falta. Brigida danki di curason y awo bay gosa di bo pensioen bon merci!



WEGANAN ESCOLAR

GRAN APERTURA

Diabierna 17 juni | 6:00 pm
Dilanti Stadion Guillermo P. Trinidad

Atraccion special di e Astro di futbol
 Denzel Dumfries y un show mahestuoso

Celebracion Deportivo
 Diabierna 17 juni | 4:00pm - 6:00pm
 Parkinglot di stadion


Tsunami | DJ | Saca potret cu WéWé
 Brassband y mucho mas!

BAN APOYA NOS MUCHANAN!



Prome Minister Evelyn Wever-Croes

DELEGACION DI ARUBA PARTICIPANDO NA CONGRESO 'COUNTERPART DAYS' DI PAISNAN DI REINO



Delegacion di Aruba ta participando na Hulanda na e Congreso 'Counterpart Days' organisa door di Ministerio di Asuntonan di Reino. Paisnan di Reino cu tin di haber cu e Landspakket a bini hunto pa intercambia experiencionan y tambe ideanan pa asina haci palabracionnan pa loke ta pasonan fiho ora ta trata e agenda di ehecucion. E delegacion di Aruba ta consisti di Departamento di Finanzas, señor Derrick Werleman, Beleidsmedewerker, señor Gabriel Croes di Departamento di Recurso Humano y tambe Tijdelijk Werk Organisatie Aruba representa door di señora Indra Zaandam.

E meta di e dianan aki pa tur 4 pais den Reino bini hunto pa asina intercambia ideanan pero tambe por siña di experiencia di otro. E ta un programa importante y profundo cu ta consisti di tres dia (7,8 y 9 di juni) na unda lo ricibi presentacionnan di departamentonan clave cu ta traha cu e team local pa loke ta trata e landspakket.

Riba e prome dia a ricibi un presentacion extenso pa loke ta trata Departamento di Enseñansa, Departamento di Salubridad Publico, Departamento di Labor y Departamento di Asuntonan Social. Diferente experto cu ta traha riba e landspakket conhuntamente cu pais Aruba a bin y trece dilanti e forma di traha den e landspakket pero tambe con e organizacion di parti di Hulanda ta mustra.

Di banda di Aruba e team ta bon representa y a duna tambe informacion relaciona cu e trabou y progreso cu ta tumando luga den e trayecto di landspakket. Por indica cu basta trayecto ta den pleno ehecucion, nan a inicia y e prome investigacionnan a tuma luga y aworaki ta trahando poco pero sigur pa loke ta e trayecto di implementacion.

Aruba por a comparti cu e otro departamentonan di e demas islanan presente, e vision y experiencia pero tambe e oportunidadnan di por traha hunto den Reino pa local ta salubridad publico,



asuntonan social y asuntonan di educacion. Den transcurso di dianan lo duna mas informacion pa local ta e participacion di e delegacion di Aruba den esaki. Aruba a presenta tambe e trayecto pa


local ta e reforsamento di aparato publico.

Prome Minister Evelyn Wever-Croes ta gradici e delegacion di Aruba, señor Derrick Werleman, señor Gabriel Croes y señora Indra Zaandam

pa nan representacion valioso den e congreso aki di Reino y ta desea nan exito den nan participacion den un congreso di asina importancia pa nos pais.

Prome Minister Evelyn Wever-Croes:

PROME MINISTER A FELICITA KIWANIS CLUB OF SAN NICOLAS CU E BUNITA EVENTO "RAISING PRINCESSES INTO QUEENS"



Prome Minister Evelyn Wever - Croes a forma parti di e evento 'Raising Princesses' Into Queens cu a tuma luga diasabra mainta na Filomena College. Un programa organisa door di Kiwanis Club of San Nicolas cu e meta pa empodera muchanan muhe hoben pa logra nan potencial y converti nan mes den un Reina.

Prome Minister Wever - Croes a expresa cu e tabata un honor pa asisti e evento y a gradici Kiwanis Club of San Nicolas pa e oportunidad ricibi pa dirigi palabra na e grupo di 69 mucha muhe hoben. Prome Minister a conta nan un tiki di su mes y tambe a haci uzo di e oportunidad pa empodera nan pa nan por ta exitoso.

"Nos sa cu tur mucha

muhe ta prinses caba y ohala nos por duna nan e habilidad y hermanan cu nan mester pa di berdad nan converti nan mes den reina. No reina di beyesa so, sino mas bien reina den realisa nan propio potencial y deseo. E ta importante pa cada hoben fiha nan meta den bida y ta consciente cu cosnan por pasa y meta por cambia, pero importante no ta con bo a cay sino con bo a lanta bek cu e mesun animo pa sigui bay dilanti," Prome Minister Wever - Croes a expresa. .

Premier Wever - Croes a termina felicitando Kiwanis Club of San Nicolas y Filomena College cu e bunita iniciativa expresando cu sigur esaki ta algo cu mester aplica generalmente den henter Aruba.



Parlamentario Alvin Molina (MEP): Celebra cultura pariba di brug

Hopi hende ta pensa cu cultura ta eventonan rond di por ehempel dera gay, carnaval y 18 di maart. Pero cultura ta hopi mas, e ta e forma di biba di hende, cada expresion humano. Esaki ta importante pa sa paso e ta yuda nos realisa cu ya caba nos tin hopi cultura presente na San Nicolas. Tin musica, artesanía, cuminda, religion, museo y monumento. Na Aruba nos tin e tendencia di no gosa suficiente di tur e bendicionnan cu nos tin, incluso nos cultura. Nos tin cu reconoce, aprecia y celebra tur forma di cultura cu nos tin.

San Nicolaas: Nos Culture Heritage City

Dimes tin hopi espacio pa amplia actividadnan cultural pariba di brug. Den mi opinion mas actividad cultural, lo

trece mas hende hunto, trece mas union y ta trece oportunidad pa comercio crece. Ademas, mas actividad positivo y crecimiento economico lo eventualmente causa mas seguridad den e barionan. Cu e idea aki den mente mi a presenta un mocion dia 4 di April 2022 unda mi a urgí gobierno pa (sigui) inverti den San Nicolas como 'cultural heritage city'. E idea tras di e mocion aki ta pa gobierno inventarisa cua actividadnan cultural por wordo organisa pariba di brug (tambe) y yuda promove actividadnan di organisacionnan no gubernamental.

Plan pa desaroya cultura na San Nicolaas

Ayera hunto cu coleganan Ricky Hoek, Darlaine Guedez-Erasmus nos a reuni riba e topico aki



cu representantenan di comision di cultura y enseñansa di Departamento di Cultura. Mirando cu e desaroyo aki lo rekeri esfuersonan riba tereno di cultura, infraestructura, social y turismo, ta esencial pa existi un bon colaboracion entre diferente ministerio. Nos a palabra cu como

parlamentario nos lo pidi gobierno atencion pa esaki. Fin di juni departamento di cultura lo presenta un concept plan con pa desaroya cultura pariba di brug.

Mi ta gradici Siegfried Dumfries, Angeline Maduro, Lisette Maduro y Jose Miguel Donata pa un reunion fructifero

y tambe nos Minister di Cultura sra Xiomara Maduro pa tuma accion mesora pa cu e mocion presenta. Di mi parti lo mi keda pendiente pa e concepto cu lo keda presenta na nos y asina tambe sigui crea e caminda pa stimula y desaroya San Nicolaas den nos Culture Heritage City.

Empresa de software Smartmatic a demanda Venezuela pa fraude electoral y a exigí 1500 miyon dollar

Recientemente den corte di Centro Iberoamericano de Arbitraje (Ciar), a trata un caso cu Smartmatic a cumenza contra Venezuela.

E compania cu a suministra e tecnologia di voto electronico, Smartmatic, a demanda Venezuela pa un suma di 1500 miyon dollar, pa fraude, durante di eleccionnan parlamentario di dia 30 di juli 2017, pa Asamblea Nacional.

E compania ta acusa autoridadnan Venezolano

di a manipula cu e resultadonan pa aumenta e cantidad di participacion, unda realmente tabatin un abstencion grandi.

Segun e compania Ingles, Smartmatic, nan por asegura cu na Augustus 2017, e resultado emiti pa CNE, coneheo nacional, di 8.1 miyon di voto, riba 19.4 miyon di esnan cu por a vota, a wordo manipula, causando un variacion cu ta supera di 1 miyon voto.

E equiponan cu a wordo usa, a wordo expropia y



wordo pasa pa Argentinica ExCle.

E keho ta basa cu autoridad di Venezuela a

amenasa empleadonan di e compania, pa forsa nan pa cambia resultado y certifica e resultado falso manipulando e cantidad

di hende cu a acudi pa vota. Tambe ta asina cu Venezuela no a cumpli cu pagonan segun contract.

My Guardian Group Walk and Run aruba 2022



Directiva di Guardian Group Fatum Aruba ta comunica cu e fecha di e Walk and Run cual tabata di tuma lugar diadomingo 12 di juni, ta wordo posponi pa diadomingo 3 di Juli proximo. Pa motibo di no a ricibi nos bunita t-shirtsnan ariba e fecha acorda, nos ta obliga di tuma e decision aki pa asina garantisca calidad di nos evento.

ur esnan cu ta pre-registra via Patrishi Sport lo ricibi un email. E fechanan nobo pa finalisa registracion, busca t-shirt y bibnr. na oficina di Guardian Group ta bira awor: diaranson dia 29 di Juni pa diabierna 1 di juli, entre 5.30 pa 9pm. Por paga via swipe of cash. Guardian Group Fatum, situa na L.G. Smith Blvd. 162. E suma pa participa ta afl. 25,00 pa persona y lo ricibi na final un medaya como participante na e di 8 edicion di My Guardian Group Walk and Run Aruba.

Nos tin luga pa 1500 participante, cual na e momento aki nos ta na 80% di registracion. Corda cu ta first come, first serve. E carreda ta sali y termina na Guardian Group Fatum. E ruta nobo lo ta Eagle Beach y e carreda lo start exactamente 6 am.

Mescos cu e añanan anterior nos ta conta cu asistencia di KPA, Rode Kruis Aruba, Motor Unit, Aruba Triathlon Association, IBISA y Patrishi Sports. Pa mas informacion tuma contacto cu nos via whatsapp 738-3100 of email: info@myguardiangroup.com



Corte di Prome Instancia 9 juni 2022

Horario	Sospechoso	Acto Castigabel
08.30	D.H.G.P.	G.P. ta wordo acusa di posesion di cocaine y hennep riba 28 di januari 2020.
10.00	I.J.J.	J. ta wordo acusa di venta y posesion di cocaine y hennep riba 12 di maart 2022.
10.30	G.E.M.P.	M.P. ta wordo acusa di a maltrata su pareha riba 9 di februari 2020, dor di dal e den cara.
11.00	M.M.d.R.	R.R. ta wordo acusa di a maltata un persona cu un arma (un piedra) riba 4 di november 2020, dor di dal e varios biaha cu e piedra aki na su nek y skouro. E ta wordo acusa di destruccion di un stoof y otro propiedadnan di un persona riba 20 di november 2020.
11.30	C.D.G.	G. ta wordo acusa di ladronicia di auto di un persona riba 19 di april 2022. E ta wordo acusa di ladronicia di auto di Rode Kruis riba 27 di april 2022.
09.00*	E.L.M.	M. ta wordo acusa di a maltrata un persona riba 30 di november 2021, dor di dal e varios biaha na su boca y cara.
09.30	D.K.	K. ta wordo acusa di a maltrata su pareha riba 4 di oktober 2021, dor di dal e varios biaha.
14.30	L.M.R.	R. ta wordo acusa di ladronicia di propiedadnan di un turista riba 6 di mei 2021.
14.40	I.D.W.	W. ta wordo acusa di kiebro y ladronicia di bom di gas di un persona riba 31 di januari 2021.

14.55	R.N.W.	W. ta wordo acusa di a insulta un polis riba 11 di oktober 2020 y di a resisti detencion dor di agentenan policial riba e mes dia aki.
15.10	J.F.R.	R. ta wordo acusa di a maltrata su mes yiu riba 22 di juni 2019, dor di tene e mucha na su paña y pone riba flur y sinta riba su barica y dal e varios wanta den su cara y primi su rudia den su pecho a consecuencia di cual e yiu a sufri dolor.
15.25	R.A.T.L.	T.L. ta wordo acusa di a kibra porta di un persona riba 3 di juni 2020 y di a menaze cu morto dor di grite: "Mi ta bay dreña kibra bo c**o, m****o bieu".
15.40	A.R.H.	H. ta wordo acusa di a menaza tres persona cu morto riba 7 di mei 2021.
14.00*	J.G.V.G. L.E.N.	Pro forma. V.G. y N. ta wordo acusa di posesion di arma di candela y mensensmokkel (siete persona) riba 17 di februari 2022.
14.00	S.R.J.K.	Pro forma. K. ta wordo acusa di kiebro y ladronicia den un cas di un generator y otro propiedadnan di un persona riba 16 di januari 2022.
14.00	J.K.A.L.	Pro forma. L. ta wordo acusa di intento di homicidio di un persona riba 13 di februari 2022. E ta wordo acusa di posesion di un of mas arma di candela y balanan riba e fecha menciona.
14.00	G.J.K.	Pro forma. K. ta wordo acusa di kiebro y ladronicia, conhuntamente cu un otro of otrotronan, den un cas, perteneciendo na dos persona, di un of mas auto, un of mas airco, un of mas porta, un of mas bentana, un of mas pochi di wc, un of mas wasbak, kitchencabinet, un mesa di biljart y full e inventario di e cas den e periodo di 31 di maart 2021 pa 20 di februari 2022.

Parlamentario drs. Shailiny Tromp-Lee (MEP): Nombracion di e miembronan den COHO y RAft a haya debido atencion den e verslag cu a keda manda Hulanda

Den e verslag pa loke ta trata e dos leyman di consenso di Reino COHO y RAft cu a keda manda Hulanda dia 20 di mei 2022, mi a haci varios pregunta y a duna comentario, critica y sugerencia pa cambio. COHO ta para pa Caribisch orgaan voor hervorming en ontwikkeling y RAft pa Rijkswet Aruba financieel toezicht. Durante e simannan venidero mi lo bai sigui saca varios articulo ampliando riba e dos concepto di leyman aki. Den e articulo aki mi lo bai amplia riba e articulonan den ambos ley cu ta specifica e nombramento y posicion legal di e organonan di supervision y kico mi ta pensa di e contenido di esakinan.

Articulo 3 di RAft

Articulo 3 ta trata e nombramento y posicion legal di e organo di supervision. E puntonan mas importante pa menciona ta cu e organo di supervision lo consisti di tres miembro, di cual un presidente, y nan lo wordo nombra a base di experticio. E procedura di nombramento di e miembronan ta den man di e consejo di minister di Reino y ta tuma lugar como lo siguiente ti di: e miembro cu lo ta e presidente lo wordo nombra door di Minister President di Hulanda den su funcion como presidente di Consejo di minister di Reino, un miembro lo wordo nombra den acuerdo cu sentimento ("met het gevoel") cu Consejo di minister di Aruba riba recomendacion di Prome Minister di Aruba y un miembro lo wordo nombra den acuerdo cu sentimento ("met het gevoel") cu Consejo di minister di Hulanda riba recomendacion di Prome Minister di Hulanda. Por ultimo e miembronan ta wordo nombra pa tres aña y despues di e termino aki nan por wordo renombra.

Den e verslag mi a enfatisa riba e hecho cu tur tres miembro ta wordo nombra door di consejo di minister di Reino y ningun door di Aruba, specialmente pasobra cu RAft ta conta especificamente



pa Aruba. Mas cu claro mi a haci e pregunta e ora dicon Aruba no por nombra directamente un miembro den e organo di supervision.

Un otro punto cu a sobresali den e articulo aki ta cu no ta menciona cuanto biaha e miembronan di organonan di supervision por wordo renombra. Manera cu e ta skirbi den e ley e miembronan por keda wordo renombra cada tres aña. Pa e motibo aki mes mi persona a haci e pregunta dicon no a stipula esaki manera den e ley di consenso di Reino COHO unda cu akiden si ta stipula cu e miembronan di e organonan di supervision di COHO por wordo renombra solamente un bes. Pa e motibo aki a pidi na Hulanda pa haci cambio den e articulo aki pa asina e coincidi cu esun di COHO y asina e miembronan di e organonan di supervision por wordo renombra despues di tres aña solamente un biaha.

Articulo 9 di ley di consenso di Reino

COHO

Articulo 9 ta trata e nombramento y posicion legal di COHO (organo di supervision). E puntonan mas importante pa menciona ta cu e COHO lo consisti di tres miembro, y di cual e presidente y minimo un otro miembro tin 'aantoonbare affiniteit' (afididad demostrabel) cu e islanan Aruba, Korsou y Sint Maarten. Tur tres miembro ta keda nombra door di Hulanda a base di un conclusion di Consejo di Minister di Reino cu na su turno ta keda tuma for di un procedura pre describi. Esaki ta consisti di un lista di posibel candidato traha pa Hulanda y presenta na un benoemingsadviescommissie cu ta consisti di tres miembro cu nos islanan por duna nan sentimento over nombracion di un representante. A base di un "profielschets" lo saca un consejo pa Consejo di Minister di Reino.

Den nos verslag nos ta sugeri pa tur isla por nombra un representante cual ta haci cu e organo di supervision lo consisti e ora di

cinco miembro na lugar di tres. Na mes momento nos a cuestiona e palabra 'aantoonbare affiniteit' mirando cu ningun caminda ta keda indica kico esaki ta encera y con ta bay midi esaki. Segun nos opinion e splicacion al respecto ta vaag y insuficiente. Mirando cu ta keda menciona un profielschets y esaki no ta como anexo agrega, nos a manda pidi esaki. Un punto cardinal y cu no a tene cuenta cu ne y cu nos ta haya hopi importante ta cu e miembronan mester tin conocimiento encuanto "small island development states" pasobra den tur aspecto nos situacion ta sumamente diferente cu e situacion di Hulanda cu ta un pais grandi. Na mes momento nos a haci e pregunta con nan ta bay garantisca cu e miembronan tin conocimiento di economianan chikito manera esun di Aruba.

Ta keda awor pa warda e contestacion di parti di Hulanda pa wak na ki manera nan ta contesta nos preguntanan y alabes atende cu nos comentario, critica y sugerencia pa cambio.

Prome Minister Evelyn Wever-Croes:

En conexion cu Siman di Archivo, PROME MINISTER HUNTO CU MINISTER DI CULTURA Y FUNARI A BISHITA ARCHIVO NACIONAL ARUBA, (ANA)



“Un siman importante pa colecta loke nos kier pa wordo conserva pa nos futuro generacionnan por conoce kico ta e hstoria real di Aruba”

Dialuna 6 di juni, Prome Minister Evelyn Wever-Croes a compaña colega Minister di Cultura Xiomara Maduro y hunto cu Funari, na e apertura di Siman di Archivo na Archivo Nacional Aruba, (ANA). Prome Minister a expresa cu esaki tawata

un mainta hopi ameno caminda el a haya e oportunidad tambe pa dirigi algun palabra di gratitud y sosten na e team di ANA y na Minister di Cultura.



“Saliendo di e pandemia, poco poco cosnan ta bay mas na normalidad maske nos a cuminsa cana cu e mondkapje atrobe pero nos por sali ainda, comparti, nos por keiro poco y p’esey mi ta hopi contento cu e aña aki boso a organisa algo asina

bunita y grandi.

Ta importante pa nos archiva. Temponan ta bay hopi lihe, desaroyonan ta bay hopi lihe. Tempo mi yiunan tabata chikito, 20 aña pasa nos tabata graba tur cos riba un video, e video cassette nan grandi cu awendia bon por haci nada mas cu nan.

Kiermeen poco poco nos ta perde tur loke nos a pasa aden si nos no ta na tempo, P’esey e siman aki ta asina importante pa nos cada un para keto na kico nos kier pa colecta of trece akinan pa e wordo conserva pa nos futuro generacionnan por conoce kico ta e hstoria real di Aruba.

Danki na team di Archivo Nacional pa tur e trabou grandi cu boso ta haci den conserva historia di pais Aruba. Danki pa organisa e siman importante aki y danki tambe na Minister Xiomara hunto cu henter e ekipo di ANA pa haci e siman aki extra especial” Prome Minister ta invita pueblo di Aruba participa



na e evento 3C-TRECE diasabra 11 di juni, pa nos COLECTA, CONOCE

y CONSERVA material historico pa Aruba.



Minister di Cultura Xiomara Maduro presente na evento Ban Topa Cu Nos Cahanan di Orgel di Aruba y Corsou



– Diadomingo atardi Minister Xiomara Maduro tabata presente na e evento Ban Topa Cu Nos Cahanan di Orgel di Aruba y Corsou na Papiamento restaurant. E evento aki ta ser organisa pa di 11 biaha caminda tabata tin 12






caha cu nan tocador cu a duna nan presentacion. Tambe riba e atardi aki, hunto cu sr. Arthur Kelly, Minister Maduro a toca un piesa di Caha di Orgel.

E mandatario a pasa saluda tur esnan presente. A conta cu presencia di varios persona di Corsou cu a bini specialmente pa e evento aki, entre nan sra. Marilyn Alcalá-Wallé, kende den pasado tabata minister di Cultura di Corsou.



Tabata un rato masha ameno. Un danki special na e organisadornan Sr. Nai Felicia y Sra. Silvia Tromp, como tambe na tur esnan cu nan caha di orgel a duna presentacion

ayera. Danki pa mantene e tradicion di Caha di Orgel bibo. Un danki tambe na Papiamento Restaurant pa nan sosten pa realiza e bunita evento aki.



17 DI JUNI 2022

PA SOLAMENTE
Af. 15-

**BINGO
GRANDI**

43

54

48

PEREV DI CAS

**MAS DI
50000
FLORIN NA PREMIO**




REGALA PAPA UN BINGO PA E POR
GANA UN AUTO SUZUKI EXPRESSO NOBO NOBOI CU E PROGRESIVO
BINGO SPECIAL CU MAS DI 50 MIL FLORIN NA PREMIO
PAPA POR HUNGA BINGO NA CAS OF POR HUNGA DEN CLUB CAIQUETIO

ORARIO: 7:30 PM

LUGAR: CLUB CAIQUETIO & LIVE STREAMING
CANAL 22 - RADIO TOP FM 95.1 & SOCIALMEDIA

CLUB TA HABRI SU PORTA NAN FOR DI 4:00 PM

SERVICIO DI DELIVERY: 593-9301 / 564-8188




MAS LIHE BO TEST, MAS LIHE BO POR HAYA AYUDO DI BO DOKTER DI CAS

SINTOMANAN MAS COMUN DI COVID-19



- TOSAMENTO
- KENTURA OF CALAFRIU
- ROSEA CORTICO OF DIFICULTAD PA HALA ROSEA
- CANSANCIO
- DOLOR DI CURPA OF MUSCULO
- DOLOR DI CABES
- PERDIDA DI OLFATO OF SMAAK
- DOLOR DI GARGANTA
- NANISHI TA CORE OF TA VERSTOPT
- BIRAMENTO DI CABES OF SACAMENTO
- DIAREA



Segun fuentenan oficial, casonan di Covid-19 ta subiendo.

E ta afectando primordialmente nos grandinan . Nan ta esunnan interna na hospital actualmente. Pesey ta importante pa proteha nan cu ta mas vulnerabel.

Pesey nos kier recorda nos hendenan grandi di e importancia di test. Segun protocol vigente, si bo tin sintoma di Covid, traha bo cita pa test via <https://covid19test.healthapp.aw/>. Si bo no ta logra hasie bo mes, por fabor pidi ayudo

di famia of amigonan.

Door di sigui e protocol aki, bo caso tambe ta wordo registra oficialmente y pesey bo dokter di cas tambe ta wordo informa. Consecuentemente, bo dokter di cas lo contact bo via telefon pa consulta bo over di bo situacion y purba di preveni cu e situacion ta empeora. Pero e cuida aki solamente por wordo brinda, ora bo test . Si bo dicidi di hasi un selftest na cas y e sali positivo, por favor notifica bo dokter di cas di esaki tambe pa e por ta na altura!

HOTLINE

SOLO Di Pueblo

744-0444

CAPT'E Y MAND'E

Pa abona na SOLO DI PUEBLO

Yama 585 9500
of manda nos un e-mail na solodipueblo@gmail.com

Entrega tur dia te den bo port'i cas

DIA MUNDIAL DI OCEANONAN, 8 JUNI 2022

BACKGROUND

E oceanonan di mundo- nan temperatura, quimica, coriente y bida den nan- ta move sistema cu ta haci Tera habitabel pa humanidad. Awacero, awa potabel, clima, tempo, costanan, gran parti di nos cuminda y incluso e oxigeno cu nos ta respira ta bin di oceanonan den ultimo instancia y tur ta ser regula pa nan. Historicamente oceanonan y laman tawata e canalnan vital pa transporte y comercio.

Utilisacion prudente di e recurso aki ta clave pa un futuro sostenibel. Sinembargo, e actualidad ta cu tin un deterioro continuo di nos awanan costero, debi na contaminacion y acidificacion, locual tin un efecto adverso riba e funcionamiento di ecosistema y biodiversidad y tambe afectando negativamente pesca artesanal.

E areanan marino proteha mester ser administra di un manera debido cu suficiente recurso disponibel y regulacion pa reduci sobrepesca, contaminacion marino y acidificacion di oceanonan.

Pa tur e razonan aki Asamblea General di Naciones Uni a dicidi cu entrante 2009, Naciones Uni lo celebra 8 juni como Dia Mundial di Oceanonan, mediante Resolucion 63/111, di 5 december 2008.

Tema pa 2022: Revitalisacion-Accion Colectivo pa Oceanonan

Oceanon ta cubri mas di 70% di e superficie di nos planeta. Nan ta nos fuente di bida dunando sustento na humanidad y tur otro organismo riba Tera y ta produci 50% di e oxigeno y ta hogar pa mayor parti di e biodiversidad mundial y fuente principal di proteina pa mas di un biyon hende.

Ademas nan ta resulta di ta clave pa nos economianan, ya cu ta estima cu mas di 40 miyon hende lo ta emplea na 2030 den industrianan basa riba oceanonan.

Sinembargo, a pesar di tur nan beneficinan, e oceanonan mester mas cu nunca di nos apoyo.

Nos mester traha hunto pa crea un equilibrio nobo den cual nos no ta caba cu loke nan ta ofrece, pero restaura nan vitalidad y percura cu nan haña un bida nobo.

"Revitalisacion: accion colectivo pa e oceanonan" ta e tema pa Dia Mundial di Oceanonan 2022, un aña marca pa e inicio di Decada

di Naciones Uni di Ciencia Oceanico pa Desaroyo Sostenibel y e celebracion di e Conferencia di Naciones Uni riba Oceanonan, dos aña despues di a ser cancela pa motibo di e pandemia, cual conferencia lo ser teni di 27 juni te cu 2 di juli 2022, co-patronisa pa e Gobiernonan di Kenia y Portugal y ta aspira pa yega na solucionan inovador basa riba ciencia pa cuminsa un capitula nobo den e accion global pa nos oceanonan.

Mensahe di Antonio Guterres, Secretario-General di Naciones Uni

Luna pasa, Organizacion Mundial Meteorologico a revela cu cuater indicador climatico a kibra record na 2021: subida di nivel di laman, temperatura di laman, acidificacion di oceanonan y concentracion di gasnan invernadero den atmosfera. Ta claro y bisto cu e tripel crisis di cambio climatico, perdida di biodiversidad y contaminacion ta menaza salud di nos oceanonan, di cual nos ta depende den ultimo instancia.

Oceanonan ta produci mas di 50% di oxigeno y ta principal fuente di alimento pa mas di un biyon hende y industrianan oceanico ta emplea un 40 miyon persona. Sinembargo actividad humano ta minando recurso y biodiversidad di oceanonan. Mas di un tercer parti di poblacion di pisca rond mundo ta ser explota den un forma biologicamente insostenibel. Un parti grandi di nos coralnan a ser destrui y polucion di plastic a yega na area y isla mas remoto di Tera y e fosanan mas profundo di oceanonan. Zonanan costero morto pa motibo di contaminacion for di tera ta extendiendo rapidamente.

Ora a yega pa tuma consenshi di e hecho, cu si nos kier alcanza e Obhetivonan di Desaroyo Sostenibel (SDGs) y e metanan di e Acuerdo di Paris pa cambio climatico, ta urgente cu nos mas pronto posibel cuminsa accion colectivo pa revitalisa e oceanonan. Ta implica cu mester haña un equilibrio nobo den nos relacion cu e medio marino.

Ta nifica traha hunto, no contra naturaleza, crea alianza inclusivo y diverso entre regionan, sector y comunidannan pa colabora di forma creativo den e busqueda pa solucionan oceanico.



E impulso ta creciendo. Luna di november 2021 e conferencia di cambio climatico na Glasgow, a reconoce e papel di ecosistema marino den e intento pa logra alcanza e obhetivonan climatico mundial. Na maart 2022 paisnan a acorda pa colabora pa crea un tratado nobo pa elimina polucion causa pa plastic, un menaza directo pa bida marino. Na final di e luna aki, e Conferencia di Naciones Uni riba Oceanonan, teni na Lisboa, lo concentra riba ampliacion di medida basa riba ciencia y inovacion pa logra e Obhetivo pa Desaroyo Sostenibel 14, Bida den Laman. Y lo continua debate riba un acuerdo nobo pa conservacion y uso sostenibel di e biodiversidad biologico marino den zonanan situa pafor di hurisdiccion nacional di paisnan. Garantiza oceanonan sano y productivo ta nos responsabilidad colectivo, cu nos por logra solamente trahando den union estrecho. Riba e Dia Mundial di Oceanonan mi ta urgi pa tur persona y instancia interesa y concerni den e salud oceanico uni pa revitalisa nos laman y oceanonan.

SITUACION NA ARUBA

Aruba su laman falta di ley pa regula contaminacion y proteccion di biodiversidad y recurso den un forma adecuado. Esaki pasobra falta pa ratifica y implementa tratado y causa pa leynan actual deficiente:

1. No tin Landsverordening Milieubeheer
2. No tin un Landsverordening Maritiem Beheer pa fiha, regla, proteha y monitorea nos zona exclusivo economico riba laman y rikeza mineral den fondo den e area aki.

27 mei 1999 Reino Holandes a ratifica y implementa e Exclusive

Economic Zone di Reino Holandes mediante e Rijkswet instelling exclusieve economische zone en cumplimiento di exigencia di United Nations Convention on the Law of the Sea pa tal. Tur otro isla den Caribe Holandes, incluyendo St. Maarten y Curacao a institui nan zona exclusivo economico y tin un Ley di Maneho Maritimo. Aruba no tin nada regla.

3. Convenio pa Diversidad Biologico falta protocol pa implementa

4. Basel Convention on the Control of Transboundary Movements of Hazardous Wastes and their Disposal NO ta implementa

5. Convention for the Protection of the Marine Environment of the Wider Caribbean (Cartagena Convention) ainda falta pa implementa e importante LBS Protocol, Land-based Sources Protocol, cual ta regula polucion likido y solido cu ta yega laman di actividad riba tera.

6. Parke Marino Aruba no ta cubri e costa completo y e awanan territorial. Tiramento di pisca cu speargun den forma controla, ta constitui desvia den forma di uitzondering di articulo 9 di e Ordenanza Nacional pa Proteccion di Naturaleza. E ordenanza nacional aki ta implementa Tratado pa proteccion y desaroyo di e medio ambiente marino di e area regional di Caribe (Tratado di Cartagena) y su Protocol concerniendo Areanan Proteha Especial y Bida Salvaje (SPAW protocol). Mediante revocacion di e prohibicion di tiramento di dicho ordenanza nacional y introduciendo controlled spearfishing a switch off e SPAW protocol y ta muestra menosprecio di tratado internacional y compromiso haci na nivel di Reino Holandes cu e otro cinco isla di Caribe Holandes y Holanda mes.



DIEET SIN AWA? ALGO E ORA NO TA BON

Un nutricionista Italiano a studia pa dies aña e efectonan di su consumo. Nicola Sorrentino, reconocido nutricionista Italiano y profesor di Higiene Nutricional na e Universidad di Pavia, a skirbi un buki di recomendacionnan alimenticio titula "E dieet di awa." E academico, medico di varios famoso di farandula Italiano, a studia pa dies aña e efectonan di bebe awa. Segun un publicacion di e corant Spaño ABC, e recetario aki ta inclui "un dieet depurativo y energetico" cu ta elimina e alimentonan vet, hasa y bebidanan alcoholico y priorisa e bebida, fruta y berdura. Awa "ta e secreto di tur cos," el a informa aBC. Esaki t algun di e consehonan di e dieet:

Bebe awa ta yudabo perde peso
Ta recomenda pa bebe ocho pa dies glas di awa pa dia a lo largo di henter e hornada, semper prome cu come. Apesr cu e "efecto adelgasante" di awa no ta compara cu haci ehercicio of cuminsa cu un regimen, e ta un contribuyente importante. Sorrentino a afirma cu bebe awa ta permiti "acelera e efectonan di un dieet hipocalorico," adelgasando mas rapido y kitando e sensacion di hamber.

Sacia e hamber
E alimento mas "diet" cu ta existi ta awa. E no tin caloria, e ta colabora den elimina toxina pasobra e ta colabora cu drenahe. Y riba dje, tambe e ta sacia hamber. Segun Sorrentino, tuma dos glas di awa prome cu desayuno, almuerzo y cena, ta posibilidad cu e cuminda "ta

yenabo mas." Awa cu gas, ta potencia e sensacion.

Aumento di metabolismo
Segun Sorrentino, a keda demostra cu bebiendo dos glas di awa (mey liter) pa dia, riba temperatura ambiente, lo aumenta un 30% di e tasa metabolico. Den palabranan simpel, e ta aumenta 30% e velocidad pa kima caloria. ABC ta comenta cu "den tur estudio," awa ingeri cu un stoma bashi tabta tin un efecto di "breve duracion" riba metabolismo (mey of un ora). Pa e motibo ey, Sorrentino ta recomenda bebe awa den diferente momento di dia. Un ehempel por ta mey liter cuater biaha pa dia, cu ta multiplica pa cuater e perdida di caloria. Apesar di e bondadnan di awa, e nutricionista ta alerta cu bebe un cantidad excesivo di awa, por tin "efectonan no desea", principalmente pa esnan cu tin problemanan di curason of renal.

Alimento y cuidado
Sorrentino ta recomenda no bebe demasiado kofie, thee, ni bebidanan cu un contenido halto di cafeina. Di otro banda, plantea pa limita e consumo di biña na un glas pa dia y ta sugeri pa no bebe bebidanan alcoholico pa su efectonan negativo pa e tripanan. Tambe e ta recomienda come cuater cuminda pa dia y elimina "progresivamente e cantidad di sucu.



**PUEBLO A HAÑA SU
PEN BEK**

Pa kualkier informacion
solodipueblo@gmail.com
of
585-9500



"DUDAS"

Pakiko bo ta duda di mi existencia
jen di miedo i temor ta temORIZABO
cuanto biaha mi no a pidi bo confia
den mi i asina dunabo tur mi apoyo.
Cuanto biaha bo a lubida cu ami tey
pa consola bo curason jen di tristesa
ora ta orando ami ta sinta mey mey
scuchando bo bos pidiendo judansa.
Tin biaha mi ta mirabo tur disgusta
ni sikiera un bon dia bo ni a dunami
pa bo tur cos a bai malo i aki duda
a drenta bo curason sin consultami.
Mi yiu stima corda cu ami ta Amor
mi Paz mi yiu homber a entrega
pa kita tur tristesa, miedo i dolor
creando speransa pa sigui truinfa.
Nunca duda den mi promesanan
rikesa i banidad no ta pa eternidad
si bo sigui confia den mi palabranan
tur bo sonjonan mi lo haci realidad.

" PALABRA DI DIOS."

Duda ta un obstaculo pa ricibi respuesta
di nos TATA CELESTIAL.

Mateo 14:31 / Exodo 32:1

Autor: Omaira I. Rodriguez-Britten

"Señor ta mi wardador, mi'n tin falta di nada
Den cunucu di yerba berde e ta ponemi sosega.
E ta hibami na awa trankil,
Pa mi bolbe haña forsa".
Salmo: 23


Nos ta anuncia fayecimento di:



Braulio "Chicho" Berlis

*18-01-1940 - †02-06-2022

Acto di entierro lo wordo anuncia despues.



**FUNDACION VENERABLE
JOSE GREGORIO HERNANDEZ
TANKI LEENDERT 128**



TA INVITA

NOS PUEBLO EN GENERAL PA ASISTI NA UN TRIDIUM NA
HONOR DI SANTISIMA TRINIDAD PA PRONTO CANONISACION DI
BEATO JOSE, G, HERNANDEZ Y TAMBE PA NOS DUSHI ARUBA Y
NOS HUBENTUD

TRIDIUM

DIANAN 8,9 Y 10 DI JUNI 2022

ORA 7.0R DI ANOCHI

LUGAR SITIO DI ORACION

Bo precensia ta altamente aprecia

Lider di AVP mr. Mike Eman:

PRIJS DI GASOLIN Y DIESEL TA STRANGULA AUTOBUS, TAXI Y PUEBLO

Prijs di gasoline y diesel a bira mas caro cu nunca antes. E costonan pa e mundo di transportacion y pa e empresanan y famianan a bira practicamente impagabel. Combina cu e aumento halto di costo di bida e circumstanacionan social economico ta bierando peor tur dia. E lider di AVP mr. Mike Eman ta muestra cu Gabinete Wever Croes tin un responsabilidad pa cu e aumentonan grandi aki den prijs di gasoline y diesel. Dor di a redobla e BBO di 3% pa 6% y a kita e descuento di 10 cent pa liter di gasoline y diesel a haci e costo y aumentonan ainda mas severo cu nan ta caba. Eman ta muestra cu den hopi pais gobiernonan ta asumí un responsabilidad pa crea un alivio cu reduccionan di impuesto pa cu gasoline y diesel. Na Aruba nos no ta mira ningun intencion di Gabinete Wever Croes pa crea un alivio.

Pa e motibonan aki e Lider di Fraccion di AVP mr. Mike Eman como parlamentario a haci pregunta y duna sugerencia den un carta dirigi na Minister di Transporte y Comunicacion y Minister di Finanzas. Eman ta recomenda entre otro papa introduci un prijs preferencial pa esnan den transporte publico. E lider di fraccion di AVP a haci tambe e siguiente preguntanan y sugerencia na Minister di transporte y comunicacion y Minister di Finanzas:

1. Minister(nan) por informa si gobierno ta despuesto pa habri e posibilidad pa esnan cu ta den transporte publico (autobus, taxi y TO) por tuma gasoline/diesel na un prijs preferencial mas favorabel



na Arubus ?

2. Minister(nan) por informa si gobierno ta despuesto pa kita e BBO of reduci e BBO bek na 3% pa gasoline/diesel pa duna un alivio na henter nos comunidad ?

3. Minister(nan) por informa si gobierno ta despuesto pa pone bek e descuento di 10 cent riba accijnzen pa gasoline y diesel pa duna un alivio na nos comunidad ?

E lider di fraccion Eman a bai bishita tambe e mundo di autobus na e parada di bus den Wilhelminastraat. Eman a accentua despues di a scucha hopi chauffeur di autobus cu ta sumamente urgente pa haya un contesta di gobierno riba e preguntanan y sugerencianan cu e a haci. Pueblo no por mas cu e aumentonan grandi di costo di bida y

ainda tin mas medida na caminda. Mr. Mike Eman

ta bisa cu ta spera comprension di parti di gobier-

no cu e situacion dificil aki den nos comunidad.

Paga bo cuenta online ta facil

Sea
Abonnement
of Aviso



Pago online,
facil y lihe

**Pa hasi pago online pone number y adres na
cuenta di banco RBC Sunmax Printing
account # 7700000100152447**

Post Aruba ta emiti serie di stampia 'Bida marina'

Den colaboracion cu Fundacion Parke Nacional di Aruba

Dia 8 di juni 2021, Dia Mundial di Oceanonan, Post Aruba N.V. ta emiti su serie di stampia, den forma di un 'souvenir vel' titula 'Bida Marino'.

E emision a wordo realisa den colaboracion cu e Fundacion Parke Nacional di Aruba pa medio di un concurso di fotografia di naturalesa cu a tuma lugar na december 2021.

E emision di stampia aki ta acompaña pa un envelop Prome Dia di Emision cu a keda diseña pa Sr. Armando Goedgedrag.

Descripcion di e stampianan:

Titulo: Tortuga berde di lama; un favorito local
Ubicacion: Arashi, Aruba
Fotografo: Kanter Constandse

Leyenda (nota aclaratorio) di e fotografo:

Na nivel local, e tortuganan probablemente ta e encuentro mas popular pa e buceadonan. E tortuga aki tabata descansa riba un cama di coral cual ta un lugar di alimenta conoci pa tortuga: rif di Arashi. E yabi pa bo por acerca un tortuga sin molestie ta un acercamento lento, mientras bo ta hala rosea lentamente pa no haci zonido y pa minimisa e movimiento. E tortuga ta marca su proteccion natural rond di dje y na e parti ariba e coral como corona simbolico di su bunitesa.

Descripcion di e criatura: tortuga berde di lama.

E tortuga berde di lama ta biba den lama tropical y subtropical na henter mundo, cu dos poblacion distinto den oceano Atlantico y Pacifico, pero tambe bo ta hay'e na oceano Indico. Na henter mundo, bo ta haya e poblacionnan mas grandi di tortuga di lama na e Great Barrier Reef na Australia y den lama Caribe.

E cuminda di tortuga berde ta cambia segun su edad. E yiunan ta carnivoros, pero segun cu nan ta crece, nan ta bira omnivoros. Tortuganan di lama cu ta jong ainda, ta come webonan di pisca, molusco, kima-kima, animalnan chikito sin weso, bichi, spons, alga y animalito cu casca (schaaldier). Tortuganan berde di lama ta crece relativamente lento debi na e balor abou nutricional di su dieta. E vet corporal ta haya color berde debi na e vegetacion cu e ta consumi. Cu nan cachete manera un zaag, nan por kauw alga y yerba di lama. Mayoria tortuga adulto di lama ta estrictamente herbivoro.

Manera otro tortuganan di lama, e tortuga berde aki ta migra distanci-
anan largo entre areanan di alimen-

tacion y beachnan di reproduccion. E muhenan ta lastra riba beach, ta coba neishi pa pone webo anochi. Mas despues e yiunan ta aparece y nan ta dreña awa. Esunnan cu ta bira adulto, lo por yega te hasta 90 aña den naturalesa.

E tortuga aki ta cataloga door di IUCN y CITES como un especie menasa y p'esey e ta keda proteha na mayoria pais pa no wordu explota. Ta ilegal pa bo hunta (colecciona) nan, haci nan daño of mata nan. Ademá, tin hopi pais cu ley y reglanan pa proteha e areanan di reproduccion. Sinembargo, keto bay e tortuganan ta core riesgo door di actividadnan humano.

Pa sirbi como alimento na algun pais, ainda nan ta jaag riba tortuga y su webonan.

Contaminacion ta haci daño indirectamente na e tortuganan tanto riba escala di poblacion como individual.

Hopi tortuga ta muri despues cu nan keda pega den e redanan di pisca.

Ademá, e desaroyo di real estate hopi biaha ta causa perdida di habitat ora cu e neishinan na beach keda elimina.

Titulo: "Cara" di un lenga di flamingo
Ubicacion: Rif di Arashi, Aruba
Fotografo: Vasco v. Baselli

Leyenda (nota aclaratorio) di e fotografo:

Keto bay mi ta keda sorprendi cuanto beyesa bo por descubri ora bo acerca e detayenan mas chikito di e mundo submarino. Den e imagen super macro aki, e detayenan di e "cara" di e cocolishi Lenga di Flamingo (*Cyphoma gibbosum*) ta haya bida y casi ta parce cu e tin un sonrisa. Aruba, isla feliz, na unda te hasta e cocolishi ta hari!

Descripcion di e criatura: Cocolishi lenga di flamingo.

Cocolishi lenga di flamingo ta un especie di cocolishi di lama di tamaño chikito, pero cu colornan briyante, cu ta biba den e awa tropical di Oceano Atlantico occidental, den lama Caribe, Golfo di Mexico y e islanan di Antiyas Hulandes.

E calco lenga di flamingo ta alimenta su mes di e tehido bibo di e coralnan moli na unda e ta biba. Hembranan adulto ta pone webo den e coralnan caminda nan a alimenta recientemente. Despues di mas o menos 10 dia e larvanan ta sali.

Na bida, e cocolishi tin un color geel oranje briyante cu algun marca preto. Sinembargo, e colornan aki no ta aparece den e casca, pero nan t'ey debi na e tehido bibo di e man-

tel cu generalmente ta cubri e casca. E cocolishi por trek e "halanan" di e mantel aden, pa asina e casca ta bira visibel, pero esaki generalmente ta sosode solamente ora bo ta ataca e animal.

E especie aki tabata masha comun, pero el a bira bastante poco comun den areanan cu trafico halto debi na e coleccion excesivo di parti di buceadonan, kendenan ta comete error di pensa cu e colornan briyante ta situa den e casca di e animal.

Titulo: Flotando (drif) den corriente
Ubicacion: Entre Buraco den Muraya (Hole in the Wall) y Isla di Oro, Aruba
Fotografo: Tobia de Scisciolo

Leyenda (nota aclaratorio) di e fotografo:

E Bichi Plumemero Magnifico ta un bestia bunita y mi ta aprecia di saca su potret.

Mi ta gusta uza nan specialmente como e pieza central di mi potretnan pero casi nunca riba nan so. Manera por mira riba e imagen, bo ta haya nan isola riba un coral, di moda cu si bo uza e angulo corecto, bo por logra haya e fondo blauw seur aki, cu ta casi preto. E fondo blanco y seur ta laga mi disfruta con e topico principal ta destaca su mes contra e fuerte contraste di e fondo oceanico cu ta blauw seur.

Descripcion di e criatura: Bichi cu pluma.

Bichi cu pluma ta famia di bichinan den tubo marino y cu ta biba sin cu nan ta move. Nan ta conoci pa nan tentaculo fuerte cu ta sali for di nan tubo y cu ta parce un stoffer.

Bo ta haya un bichi cu pluma hopi biaha den e zonanan di e rifnan na henter mundo y nan ta posiciona nan mes den corriente suave na unda tur dia nan por haya cuminda di plancton cu ta suficientemente suave pa asina no dañá nan corona cu tin pluma. E corona cu pluma, for di cua el a haya su number, ta un parti special di su curpa cu e ta uza pa por gara plancton y hinca den boca.

E bichinan cu pluma no tin ni cara ni wowo, pero nan por detecta cambio di luz y asina nan por uza e sensibilidad di luz aki pa proteha nan mes contra depredadonan. Si un bichi cu pluma detecta un sombra of si e ta sinito su mes menasa, e ta retira su mes den su tubo pa asina haya proteccion. Tambe e tin e capacidad pa reproduci su mes asexualmente a traves di fragmentacion.

Titulo: E cangreu fantasma
Ubicacion: Pink Beach/Pyramid Rock Patras di Arashi, Aruba

Fotografo: Nohemy Habibe

Leyenda (nota aclaratorio) di e fotografo:

Riba mi ultimo dia di saca potret na e 'Pink Beach'/'Baranca Pyramid' tras di e duinen di Arashi, mi a nota un movimiento na e skina di mi bista. Mi a yega di mira hopi cangreu fantasma, pero nunca un asina grandi. Nos tabatin un momento di comprension mutuo ora el a laga mi saca varios potret for di diferente angulo y distancia.

Descripcion di e criatura: Cangreu fantasma

E cangreunan fantasma ta cangreunan di costa comun den regionnan tropical y subtropical na henter mundo, cu ta biba den holnan profundo den e region intermareal. Nan ta comido di aas y depredador di animalnan chikito.

E nomber "cangreu fantasma" ta deriva di su bida nocturno y su color generalmente bleek cu ta mezcla bon cu e santo, aunke e por cambia gradualmente e color di curpa pa adapta su mes na su medio ambiente y na ora di dia.

E caracteristicanan di e subfamia ta inclui entre otro; un pata mas grandi cu e otro, wowonan den forma poco diki y largo y un curpa den forma di caha.

Nan ta semi-terestre y ta respira oxigeno di aire a traves di klina (kieuw) humedo. Regularmente nan mester muha nan klina cu awa di lama, generalmente door di saca awa for di e santo humedo of door di core contra e olanan pa asina nan haya caricia di e olanan. Sinembargo, nan por keda solamente pa un tempo limita bou di awa, sino nan ta hoga. Nan ta keda den nan hol durante e parti mas caluroso di dia y durante e parti mas friu di invierno.

E cangreunan fantasma ta ser afecta negativamente door di actividadnan humano riba e beachnan, manera ora hende ta pasa trapa nan, construccion di dijk of e presencia di materia inorganico contamina. Debi na su distribucion global y e facilidad con por inspecciona nan holnan, e cangreunan fantasma ta ser considera indicadonan ecologico valioso pa evalua rapidamente e impacto di hende cu ta stroba den e habitat di beach.

E souvenir vel aki y Envelop di Prome dia di Emision ta obtenibel na Post Aruba na Oranjestad y San Nicolas.

Pa mas informacion tocante e serie di stampia "Bida Marina", bo por consulta e pagina di Facebook: Aruba Stamps of pagina web: postaruba.com/philatelic/

Servicio na Comunidad

Brandweer	911
Polis	100
Polis Oranjestad	102
Polis San Nicolas	104
Polis Santa Cruz	105
Polis Shaba	107
Tiplijn	11141

Ambulance San Nicolas	584-5050
Ambulance Sasaki	582-5573
Ambulance Wayaca	582-1234

Horacio Oduber Hospital	527-4000
Centro Medico San Nic.	524-8833
SVB AO Ziekmelding	527-2782

Servicio nan	
Elmar storingdienst	523-7147
Web storingdienst	525-4600
Setar storingdienst	117
Digicel	145
Reina Beatrix INT Airport	524-2424
Serlimar	584-5080
Arugas	585-1198
Guarda nos costa	913

Aurora Funeral Home	588-6699
Royal Funeral Home	586-4444
Ad Patres Funeral Home	584-2299
The Olive trees Funeral Home	582-0000

Fundacion	
Rode Kruis	582-2219
Fada	583-2999
Fundacion Respetami	582-4433
Fundacion Guiami	587-1677
Muhe den dificultad	583-5400
Telefoon pa hubentud	131
Centro Kibrahacha	588-3131
Stichting Bloedbank	587-0002
Mary Joan Fundation	588-9999
Koningin Wilhelmina Fonds	582-0412
Fundacion pa nos mucha nan	583-4247

LEY CU TA LIMITA UZO
DI PRODUCTONAN DI

TABACO



PROTEHANDO
SALUD
PUBLICO

2 Ta prohibi pa huma
den luganan publico

DVG **ARUBA LIBER DI TABACO**  **HALA ROSEA**
LIBREMENTE

Clasificados



SOLODIPUEBLO@GMAIL.COM
CEL. 585 9500

SOLO
De Pueblo



SOLO *De Pueblo* **OBITUARIO**

Publica serka nos anuncio di fayecimento di bo ser keri.
Nos tin 2 pakete pa ofrece

Pakete 1: Anuncio di fayecimento te dia cu e defunto
ser dera
Gradicimento y invitashon pa misa pa 3 dia Afl 250,00

Pakete 2: Anuncio di fayecimento te dia cu e defunto
ser dera
Gradicimento y invitashon pa misa pa 3 dia

Na Canal 22 1x prome cu Noticiero 22 Afl 400,00

Pa mas informashon por tuma contacto cu oficina
na **585-9500** of na **741-4554** puntra pa
Jamila Henriquez

FORTALEZA PA FAMILIA Scirbi pa Pastor Marcel Ba- lootje.

AREPENTI Y SALI FOR DI DEPRESION

Arepentimento ta haci hende liber, ta corre cu depression, ta evita malesa mental, ta trece pordon, y hasta por evita un atake di curazon, y mas cu tur cos ta drecha nos relacion cu Dios.

Awendia depression ta hopi conoci, pasobra hopi hende a aleha for di Dios no tin temor di Dios, y ta biba manera nan kier, cu e consecuencia cu nan ta cay den depression.

Tin depression cu por wordo causa door cu un persona a perde trabao, a perde un ser kerí, etc, tur esaki nos ta reconoce, cu no ta un situacion cu bo a spera y cu diripiente a aparece den bo bida.

Pero tambe tin depression cu ta wordo causa door di capricho, deseo impuro, malcriansa, mal customber, y cu ta yega un caminda, cu bo no por logra locual cu bo kier, y ora ey e enemigo ta garabo mente, y hinca bo den un skina di depression.

Hopi ta cuminsa cana caminda di dokter, cual nos no tin nada contra esey, pasobra di tur manera bo mester di ayudo.

Pero tambe tin hopi cu no sa con haci y cu ta cuminsa aparta nan mes for di hende, nan ta cuminsa bebe di mas, of huma, of droga, marca nan curpa etc, y cada cos nan ta cla pa discuti y hasta cay den violencia.

Hopi hende no sa cu por ehempel ora un homber/muher ta infiel bo ta añadi den bo bida varios mal spirito cu ta causa depression, un di nan ta e spirito di mentira. (Pasobra infidelidad ta un paquete completo).

Simplemente bo consenshi, no ta permiti bo reaccion normal, bo ta kere

cu ta divorcio ta e solucion, bo ta kere cu si bo bay for di cas ta mihor, y rekeri na violencia domestico como shortcut pa salida for di matrimonio. Awel den ningun caso, cos lo drecha pa bo, mientras cu bo no arepenti, pasobra arepentimento ta haci hende su curazon liber, y no tin nada mas bunita ora bo arepenti y pordona, of pidi e persona cu bo a haci daño pa pordona bo, pasobra e ora ey bo tin paz tanto cu Dios como cu hende.

Bo por kere of pensa cu tur cos lo sali bon, pero aunque tur bo amigo (a) ta aplaudi bo, bo tin Dios y su Palabra cu no ta aplaudi, bo hecho, pero cu ta yamabo na Arepen-

timiento.

Ora rey David a comete su hecho detestabel cu Betsabe, e a yega na confesion y arepentimento dilanti di Dios (Salmo 51 vers 1 -10) David ta are-

pentí y asina ricibi pordon di Dios, David no a tira e falta riba e muher Betsabe, ni tampoco usa excuus, pero a para manera homber y arepentí, y drecha su relacion cu Dios.

Arepentimento di berdad, den tur caso, ta corre cu depression, y ta trece libertad den nos curazon y nos mente.

Sinceramente
Pastor Marcel Balootje.



Curso Sports Nutricion

Presenta pa (Sports) Dietitian Sra. Charlene Leslie
di Alimentá Dietetics & Health Promotion

Fecha: 18 Juni y 25 Juni 2022

Ora : 9or am - 11or am

Lugar : Centro Deportivo Betico Croes



inscripcion via Email: Info@arubasportunie.com
of jama na #5854067/ 5854071



Lotto MERDIA
JUNI 7

CATACHI	LOTTO 5	
Sorteo # 3581	Sorteo #	Joker Letter
2106	0 x Jackpot	Proximo Jackpot
9662	0 x Match 4+	290.000,-
5142	0 x Match 4	
MULTI X	0 x Afl. 12,00	
X2		
BIG 4		
Sorteo # 3581	Sorteo #	Proximo Jackpot
8100	0 x Jackpot	61.000,-
	0 x Match 4	
	0 x Afl. 8,00	
OFF		
Sorteo # 1637		
0174		
ZODIAC		
Sorteo # 3581		
8921		
Capricornio		
LUCKY 3		
Sorteo # 455		
189		
MULTI X		
X3		

Lotto ANOCHI
JUNI 7

CATACHI	LOTTO 5	
Sorteo # 7656	Sorteo #	Joker Letter
7476	0 x Jackpot	Proximo Jackpot
4230	0 x Match 4+	290.000,-
9438	0 x Match 4	
MULTI X	0 x Afl. 12,00	
X5		
BIG 4		
Sorteo # 6700	Sorteo #	Proximo Jackpot
7555	0 x Jackpot	62.000,-
	0 x Match 4	
	146 x Afl. 8,00	
OFF		
Sorteo # 1405		
8444		
ZODIAC		
Sorteo # 5459		
7038		
Geminis		
LUCKY 3		
Sorteo # 389		
190		
MULTI X		
X2		

Lotto MERDIA
JUNI 8

CATACHI	LOTTO 5	
Sorteo # 3582	Sorteo #	Joker Letter
6527	0 x Jackpot	Proximo Jackpot
2287	0 x Match 4+	290.000,-
1942	0 x Match 4	
MULTI X	0 x Afl. 12,00	
X2		
BIG 4		
Sorteo # 3582	Sorteo #	Proximo Jackpot
0663	0 x Jackpot	62.000,-
	0 x Match 4	
	0 x Afl. 8,00	
OFF		
Sorteo # 1638		
3351		
ZODIAC		
Sorteo # 3582		
6676		
Sagitario		
LUCKY 3		
Sorteo # 456		
433		
MULTI X		
X2		

Paga bo cuenta online ta facil

Sea **Abonnement of Aviso**

Pago online, facil y lihe

Pa hasi pago online pone nomber y adres na cuenta di banco RBC Sunmax Printing account # 7700000100152447

RIBA DIA INTERNACIONAL DI OCEANO A INAUGURA UN MINI-EXHIBICION DI GANADORNAN DI NATURE PHOTOGRAPHY COMPETITION 2021



ORANJESTAD, ARUBA – Fundacion Parke Nacional Aruba (FPNA), Post Aruba, Artmando Multimedia y invitadonan a celebra Dia Internacional di Oceanu cu un apertura festivo di un mini-exhibicion di e Competencia di Fotografia di Naturalesa 2021 – tema: Aruba su Bida Marino y e lansamento di e stampia cu e imagin di e ganadornan pa minister Ursel Arends y minister Geoffrey Wever.

Un grupo di cinco hurado constiendo di e ganador di e competencia di aña 2020 Hubert de Cuba, un representante di FPNA y Post Aruba, y dos artista local conoci – Suelyn Dankerlui y Armando Goedgedrag di Artmando Multimedia, hunto a selecta e cinco imagen ganador for di diferente fotografia impresionante:

Ganadornan Categoria Amateur:

1. “Cara” di un ‘Flamingo Tongue’ di Vasco Basselli
2. Flotando den e Coriente di Tobia de Scisciolo
3. Cangreu di Hulanda di Michael Arends

Ganadornan Categoria Profesional:

1. E Turtuga Blanco: Un favorito di local di Kantier Constandse
2. E Gengo di Nohemi

Habibe

World Ocean Day (WOD) ta wordo celebra anualmente riba 8 di juni pa crea conscientisacion pa e necesidad di conservacion di oceano. E aña aki, WOD ta boga pa e sosten creciente di e movimiento pa proteha 30% di nos planeta su tera, awa, y oceano pa 2030 #30x30, y vocifera na lidernan mundial cu e momento pa actua ta awo – pa un futuro sostenibel pa nos tur!


Bishita e mini exhibicion gratis na Post Aruba (Oranjestad) durante e luna di juni y despues e lo pasa diferente luga rond Aruba, finalizando november na Parke Nacional Arikok. Un stampia conmemorativo di e imagen ganador di tur dos categoria por wordo cumpra desde juni 8 na Post Aruba. FPNA tambe lo tin e imagen ganador riba su carchi di entrada annual pa e aña 2022.

FPNA y Post Aruba lo colabora un biaha mas pa e Nature Photography Competition 2022, tema: Aruba su Floran Nativo.

Por entrega potret te cu dia 31 di october, 2022. Bishita FPNA su social media pa mas informacion y uza e link pa mas informacion con pa participa den e competencia: <https://adobe.ly/3tkkZaA>



PREPARACION PA TEMPORADA DI HORCAN TIP 3



Kico pa haci 48 ora of 2 dia prome cu yegada di horcan (si acaso a wordo confirma cu un horcan ta na caminda)?

Prepara un espacio den cas unda famia lo bay encontranan nan mes durante e oranan cu e horcan ta pasando. E espacio aki preferiblemente ta un espacio unda tin poco of menos glas, bentana y porta.

Prepara espacio na unda mascotanan lo pasa e horcan.

Yena gasoline of diesel den auto.

Percura pa tin suficiente awa pa bebe pa cada

miembro di famia (2 liter pa persona).

Cumpra algun cuminda di bleki y snacks (percura pa tin mecanismo di habri bleki na man).

Si tin carni di frigidair, hisa e temperatura di frigidair y vriezer na maximo capacidad y evita di habri esaki regularmente.

Lo tin mas recomendacion di Departamento di Salud Publico hunto cu Bureau Rampen Bestrijding Aruba, keda pendiente, keda bon informa!

Economia di Curacao por recupera ku 6.1% den 2022 segun Banco Central

WILLEMSTAD.- Despues di un kontrakshon dje ekonómianan di Kòrsou (18.4%) i St. Maarten (22.4%) na 2020 komo konsekuensia dje pandemia di covid i e medidanan preventivo di gobièrnu relatá na esei, tòg a biní komienso di restablesimentu dje situashon na 2021. Pa 2021 Banco Sentral di Kòrsou i St. Maarten a kalkulá ku lo a surgi un kresementu real di e produkto bruto interno di 2.0% pa Kòrsou i 4.5% pa St. Maarten. Asina

Banco Sentral ta bisa den su relato anual di 2021.

Di otro banda e ta bisa ku inflashon a subi drástikamente dor di un subida den preis di materia prima, partikularmente petroli, i gastunan di transporte. Pa Kòrsou e inflashon tabata di 3.9% i pa St. Maarten 3.2%. Restablesimentu dje situashon no ta sufisiente pa kambia e tendensia di subida den desempleo. Pa Kòrsou e nivel di desempleo e ser kalkulá


na 20.2% i pa St. Maarten 15.8%.

Kòrsou:

E ta bisa mas aleu ku, e rekuperashon ekonómiko di 2021 ta ser sostené dor di un oumento dje demanda for di eksterior, miéntras ku e demanda interior a muestra un bahada. E subida dje demanda for di eksterior ta konsekuensia di un subida den eksportashon prinsipalmente dor di un subida den aktividatnan turístiko, aunke ainda nan a keda bou dje



DIARANSON DIA 8 DI JUNI 2022 E EFECTO DI STOF DI SAHARA TA MODERA DI COLOR ORAÑO TE FUERTE DI COLOR MAS CORA DEN PARTICULARAN MAS CHIQUITO



Nos por mira e potret satelital di GOES 16 mustrandó ku e efecto di stof di Sahara ta cubri un gran parti di Caribe afectando Bonaire, Corsow y Aruba costanan di Peninsula

di Paraguana y Peninsula di Guagira y Colombia. Tambe costanan zuid di Puerto Rico y Rep. Dominicana, Haiti y Jamaica.

nivel di promé ku covid. Mas aleu e relato ta bisa ku hopi reparashon di barku a kontribuí na un subida den eksportashon. E oumento den e demanda di eksterior aser mitigá dor di un importashon mas haltu. Por sierto, importashon di merkansia a subi komo konsekuensia di mas gastu den sektor turístiko i un oumento den invershonnan partikular.

E bahada dje demanda interior tabata resultado di un inflashon haltu i e situashon riba merkado laboral ku a empeorá. No mester lubidá riba e 'lockdown' di seis si-

man den e periodo di mart-aprel i e medidanan adishonal ku tabatin efekto negativo riba konsumo partikular. Bahada di e konsumo partikular a ser mitigá dor di e sosten di gobièrnu na gruponan afektá den komunidat. E invershonnan partikular si a subi komo konsekuensia di reanudashon di proyektonan den konstrukshon ku a keda posponé un aña promé.

Banco Sentral ta kalkulá ku lo tin un rekuperashon ekonómiko di 6.1% pa Kòrsou na 2022, sostené pa demandanan interno i di eksterior.

LEY CU TA LIMITA UZO DI PRODUCTIONAN DI
TABACO

PROTEHANDO
SALUD
PUBLICO

6 Ta prohibi pa bende of duna produccionan di tabaco na personanan bou di 21 aña

DVG ARUBA LIBRE DI TABACO HALA ROSEA LIBREMENTE

Aruba Airport Authority N.V. Wings of Hope:

UNESCO Schools Aruba Consortium ta e ganador di SDG School Champion Challenge 2022



ORANJESTAD - Aruba Airport Authority N.V.'s (AAA) "Wings of Hope" (WoH) ta orguyoso pa anuncia UNESCO Schools Aruba Consortium (UNESCO) como e ganador di WoH su Sustainable Development Goal (SDG) School Champion Challenge 2022.

Riba Diasabra Juni 4, 2022, WoH a tene e evento final di SDG School Champion Challenge 2022 caminda un total di 12 scol a participa. Como parti di WoH su meta di "SDG Awareness", scolnan tabata tin e oportunidad pa participa den un competencia escolar unda cada scol mester a entrega nan plan sostenibel cu un of mas di e SDGs como nan meta principal pa nan scol.

Un total di 12 plan sostenibel a wordo entrega na e team di WoH di parti di e scolnan incluyendo Colegio Bon Bini, St. Paulus School, Scol Paso Pa Futuro, EPB San Nicolas, Scol Practico Pa Ofishi St. Cruz, Graf von Zinzendorf School, John Wesley College, Nos Fortalesa Montessori School, Colegio Laura Wernet-Paskel, Colegio Pastoor Kranwinkel, Colegio Sagrado Curason y UNES-

CO (Colegio Hilario Angela, Prinses Amalia School-Basis, Edu Campus, International School of Aruba). E 12 plannan sostenibel a wordo revisa pa un grupo di profesionalnan y na e evento final, tur scol mester a duna un presentacion final di 8 minut pa asina completa nan puntuacion.

Den presencia di AAA su CEO Sr. Joost Meijs y AAA su team di WoH, UNESCO a ricibi oficialmente e premio ganador di AWG 20,000.00 for di Wings of Hope pa ehecuta nan plan sostenibel exitosamente. Grant Thornton Aruba orguyosamente a presenta e di dos lugar Scol Practico Pa Ofishi St. Cruz (SPO) cu un premio di AWG 1,000.00 y ACE Firm Engineering a entrega e di tres lugar John Wesley College un premio di AWG 500.00.

AAA WoH ta reconoce e importancia di Sostenibilidad y nan responsabilidad social pa e comunidad di Aruba y lo sigui inclui studiantenan y e comunidad den proyectonan pa asina crea conocimiento riba e importancia di practicanan sostenibel y alabes encurasha tur hende pa crea un futuro mihor y sostenibel.



FORTALEZA PA FAMILIA

Scirbi pa Pastor Marcel Balootje COMUNICA CU DIOS



Señor nos ta bini dilanti di bo trono di gracia awe, y nos ta reconoce cu bo ta Dios Todopoderoso, Rey di Reynan y Señor di Señornan ..

Pesey den nomber di Cristo Hesus nos ta bini contra tur poder di malesa, tur poder di scuridad, tur poder satanico, tur nubia scur cu ta rondona e isla aki y nos ta yama riba e Sanger di Cristo Hesus cu a wordo derama riba sero di Golgota y tin poder pa tumba tur muraya di malicia, tur locual cu ta contra e palabra di Dios, tur desobediencia ta wordo bashi abao, den nomber di Cristo Hesus,

Nos ta bini contra e spirito di coronavirus cu kier domina e isla aki, y nos ta reprende den nomber di Cristo Hesus, tur spirito di malesa tin cu bay pa tera seco den nomber di Cristo Hesus.

Nos ta cubri Aruba y tur isla di Caribe Hulandes bao di e sanger di Cristo Hesus y nos ta declara cu Aruba ta pertenece na Cristo y cu ningun forsa di scuridad y ningun malesa of virus por domina riba e isla aki.

Senjor habri wowo di tur hemde, pa nan realisa y acepta cu Hesus Cristo ta Señor y den Su Nomber nos ta mas cu vencedor.

Señor nos ta yama bo danki pa scucha y contesta oracion, pasobra solamente den Bo nomber tin poder, pone Bo man riba cada cas di famia, riba tur dokter y tur frontliners, polis etc y cuida nan den nomber di Cristo Hesus amen.

Asina nos ta comunica cu Dios den nomber di Cristo Hesus, pasobra tur locual

nos pidi Dios den nomber di Cristo Hesus e ta duna nos. (Juan 15:7)

Jeremias 29 ver 12 + 13 ta bisa: Anto boso lo sclama na MI y haci oracion na MI y lo MI scucha boso.

Y boso lo busca MI y haña MI si boso buscami di henter boso curazon, 1 Tesalonisenses 5 vers 16—18 ta para scirbi: Regocija semper, Haci oracion sin stop, Sea agradecido den tur cos, pasobra esaki ta e voluntad di Dios pa boso den Cristo Hesus.

Nos tin nada mas grandi ora nos tur realisa, cu nos tin mester di oracion, cu nos tin mester di Dios y cu nos tin cu depende di Dios, pasobra ora nos ta obediente, ta un muestra cu nos ta somete na Dios, 1 Timoteo capitulo 2 vers 1 – 5 ta para scirbi: Pesey prome cu tur cos mi ta exhorta, pa suplica, oracion, peticion y gradicimento wordo haci pa tur hende, pa Reynan y tur esnan den autoridad, pa nos hiba un bida trankil y den tur santidad y dignidad.

Esaki ta bon y aceptabel den bista di Dios nos Salvador. Kende ta desea pa tur wordo salba y yega na conocimiento di e berdad. Pasobra ta un Dios so tin, y un Mediador entre Dios y hende, e hende Cristo Hesus.

Un biaha mas nos ta pidi pueblo nan tur pa uni den oracion, pa confia den Señor pasobra den Señor nos Dios tin poder pa salba, pa sana, libera y paz. (Isaias 26 v 3+ 4).

Sinceramente
Pastor Marcel Balootje.

Dialuna 13 di Juni 2022 ta fiesta di San Antonio di Padua E amigo grandi di Dios y Hende

Confrada "Pan di San Antonio" e aña aki ta recorda cu 41 aña pasa na un manera organisa cu e debocion na San Antonio di Padua cu e trecena na Honor di San Antonio na misa Maria Inmaculada Concepcion. Pastoor Jairo y pader hose hunto cu confradia "Pan di San Antonio" ta invita tur deboto y fielnan pa asisti na misa inmaculada concepcion sta cruz pe fiesta 6:00 pm Canto y oracionnanna honor di San Antonio

6:45 pm Procession den misa mes

7:00 pm Santo sacrificio di misa pa gradici Dios pa tur fabornan ricibi y pa roga pa paz y trankilidad pa Aruba y mundo henter.

Coro inmaculada concepcion lo tey cu bunita canticanan na honor di San Antonio

E santo nan ta sinja nos un caminda sigur pa alcanza felisidad eterno apesar di e turbulencia nan di bida. Laga nos sigi e caminda di e santidad cu San Antonio ta



propone na nos: Laga nos cana den caminda di amor y yena nos curason cu anhelo pa buska e reino cu ta bini.

Dia 4 juni ta cuminsa e nobena na honor di San Antonio cu un santo sacrificio di misa tur dia.

Oracion di dia

Un feliz dia y cu Dios bendiciona boso na abundancia

"P'esey anto, si un hende no mantene hasta un di e mandamentonan di menos importancia na vigor y e siña otro hende haci mesun cos, lo e ta di menos importancia den reino di shelo. Pero esun cu cumpli cu nan y siña otro hende cumpli cu nan, lo e ta importante den reino di shelo."

Mateo 5:19

E mandamentonan a bira un carga pisa pa carga, pasobra tawata imposibel pa e Hudiunan ta un homber perfecto, sin cu nan tawata uni di curason cu Dios. E actonan externo, e culto, e ritonan y tur e sacrificionan, hunto no por yega na e balor di un simpel acto di contricion, un simpel oracion cu ta nace di curason: "Señor, tene misericordia di mi, pasobra mi ta un pover pecador. Mi sacrificio na Dios: mi contricion! Un curason kibra y arepentí. O Dios, Bo no ta desprecia" (Salmo 51:17) Awendia hopi hende ta pensa cu nos por trankilisa nos consenshi cu un acto externo, un limosna... Nos a adapta e Ley di Dios na nos mes antoho, cu e contenido di e Ley a desaparece. E caminda na un conversion interior di berdad, ta esun di un esfuerso leal pa tin un experiencia y relacion cu Dios for di nos interior. Tambe pa nos topa Señor den e Sacramentonan. Eynan nos ta topa Señor. Ora nos busca Señor, Su Spirito semper ta presente ... pasobra El a bisa: "Mi ta cu boso tur dia, te na fin di mundo." (Mateo 28:20)

Oracion: Mi Señor y mi Dios, mi ta hinca rudia dilanti Bo den oracion, mi kier scucha Bo y sigui Bo, pasobra solamente Abo por duna mi Bida Eterno. Amen.



"DUDAS"

Pakiko bo ta duda di mi existencia
jen di miedo i temor ta temORIZABO
cuanto biaha mi no a pidi bo confia
den mi i asina dunabo tur mi apoyo.
Cuanto biaha bo a lubida cu ami tey
pa consola bo curason jen di tristesa
ora ta orando ami ta sinta mey mey
scuchando bo bos pidiendo judansa.
Tin biaha mi ta mirabo tur disgusta
ni sikiera un bon dia bo ni a dunami
pa bo tur cos a bai malo i aki duda
a drenta bo curason sin consultami.
Mi yiu stima corda cu ami ta Amor
mi Paz mi yiu homber a entrega
pa kita tur tristesa, miedo i dolor
creando speransa pa sigui truinfa.
Nunca duda den mi promesanan
rikesa i banidad no ta pa eternidad
si bo sigui confia den mi palabranan
tur bo sonjonan mi lo haci realidad.

" PALABRA DI DIOS."

Duda ta un obstaculo pa ricibi respuesta
di nos TATA CELESTIAL.

Mateo 14:31 / Exodo 32:1

Autor: Omaira I. Rodriguez-Britten

"Señor ta mi wardador, mi'n tin falta di nada
Den cunucu di yerba berde e ta ponemi sosega.
E ta hibami na awa trankil,
Pa mi bolbe haña forsa".
Salmo: 23

Nos ta anuncia fayecimento di:



Braulio "Chicho" Berlis

*18-01-1940 - †02-06-2022

Acto di entierro lo wordo anuncia despues.



**FUNDACION VENERABLE
JOSE GREGORIO HERNANDEZ
TANKI LEENDERT 128**



TA INVITA

NOS PUEBLO EN GENERAL PA ASISTI NA UN TRIDIUM NA
HONOR DI SANTISIMA TRINIDAD PA PRONTO CANONISACION DI
BEATO JOSE, G, HERNANDEZ Y TAMBE PA NOS DUSHI ARUBA Y
NOS HUBENTUD

TRIDIUM

DIANAN 8,9 Y 10 DI JUNI 2022

ORA 7.0R DI ANOCHI

LUGAR SITIO DI ORACION

Bo precensia ta altamente aprecia



		5	3					
8							2	
	7			1		5		
4					5	3		
	1			7				6
		3	2				8	
	6		5					9
		4					3	
					9	7		

		2	3	4	5			
		1			6	2	7	
	6	3					2	
	1						4	
	8					9	5	
	4	8	5			1		
			2	8	9	6		

Sopi di Letranan

Q P C U M Y H M V B X N Q L T A R N N A O U X P
 E C E Q Q Z N S S O H A Q Y H H U Z U Q C B Y A
 G A N R Q F V B I F C I D J T U Z N N D Q L N X
 L P P N U P X E Z F O O Q F D M Z Z U D U J U U
 Q H T P I X I E P C Y Z F W A Q V U I B C C R K
 M I U N A H Z C N S C C O F O D O T Q R X F O X
 P H O A L K M F T L E K F M E O K T U H T T O Z
 E N A N V O L I D Q G N R V R E T Z N W V Z C G
 J Z H F C J S A Q J C H O H G U D O M R B B T O
 O G W K V E T S W F F O N M E C N U T Y O R O F
 T Y U X L S F F R J H Q I M I G N E U X H N L P
 R I H C Y I F A H W G Y Q Y E L E F O I V T W O
 U F Y H L F Q F T S B A W C C Y R S G G I Z I Z
 R A P B Z D C K N I B J C L W W W T R J I R L N
 C F D K I K N E U Z S H I L E M S P C C E P X V
 X J L O T I N O O B U X C R Z N E D D Y Q O F L
 U P D K A L C N L C X I X M B J V Z Q J G J L K
 P N L P P C Q D U A T P A P A T L H G J J C S V
 T T A Y M Z N R T U I V X I N Y S F H L Q F U A
 I Y T A G G R C F O Z B Z B Z R T R L N L D W I
 H K M H H U E G F H N E S R V K H C K O B T P J
 J A I S C E J Y Y O J Y B D V S P Q S G R B H P
 R L K O T O H T O U B G H Y K F Z D K H P A Q Q
 L M S Z X C V O C P B N R G V P N V A D P Z S Q

Fatis	Tony	Meli	Flor
Limones	Fish	Chucurrucos	Coffee
Pinon	Eddy	Walkappa	Papa
Mama			

“Escribe en
tu corazón
que cada día
es el mejor
del año.”



**STOP CU
HUMAMENTO
TIN HOPI
BENEFICIO**



Salud



Salud Mental



Financiero